



# Das vierd hundert außlerlesener Chymischer Proceß.

I.

## Ein löfliche Arzney zur Reinigung der Lungen.

**N**imb den Bleyzucker oder Bley-  
Crystallen / (wie die gemacht oder  
bereitet werden / ist bekant) die re-  
solvier in distillirtem Essig wider zu  
einem Wasser: Wann das gesche-  
hen / so resolvier auch Salpeter soviel in distilliertem  
Essig / vnd geuß diese beyde resolvierte Materien zu-  
sammen / vnd distillier den Essig in M. B. sind dar-  
von / biß auff den dritten oder vierdten Theil / das  
hinterbliebene setze in Keller / so werden Crystallen  
anschießen.

U s u s.

Von diesen Crystallen nimmb sechs / sieben / biß  
auff acht Grän / vnd resolviere dieselben in einem  
Löffel voll spiritus vini, vnd gibs dem Patienten  
einzunehmen / vnd brauch das etlich mal / das rei-  
niget die Lunge gar wol vnd sicherlich.

A iii.

II. Für